





第一一四二冊

四庫全書

●上海古籍出版社

本冊目次

海陵集	燕堂詩稿	本	竹洲雜著	附隸華	高峯文集	羅鄂州小集	附	艾軒集
-----	------	---	------	-----	------	-------	---	-----

宋周麟之撰 周準編……………一	宋趙公豫撰…………一九三	宋吳敞撰…………二〇七	宋廖剛撰…………三〇三	宋羅願撰…………四六一	宋林光朝撰 明鄭岳編…………五五一
--------------------	--------------	-------------	-------------	-------------	----------------------

欽定四庫全書

集部
海陵集卷三

詳校官原吉士臣李如筠

主事臣呂雲棟覆勘

總校官編修臣王燕緒

校對官編修臣虞遜

膳錄監生臣王爾熙

欽定四庫全書

集部四

海陵集

別集類三

提要

欽定四庫全書

海陵集

臣等謹按海陵集二十三卷宋周麟之撰麟之字茂振海陵人紹興十五年進士中宏詞科任起居舍人歷擢兵部侍郎直學士院給事中知制誥翰林學士官至同知樞密院事宋史藝文志載麟之海陵集二十三卷與此本合前有淳熙癸卯周必大序亦稱其子準哀遺稿得二十三卷蓋猶舊帙序稱其久官於朝故其詩文因事而作者少集中內外制詞殆居其半今觀其集非惟贈答唱和寥寥無幾即奏議奏劄亦多不關軍國大計蓋其珥筆禁足坐司綸誥不出園門而踏道顯與王珪約畧相似而文章嫺雅亦猶有北宋館閣之餘風非南渡諸家日趨新巧者比未可以

專工儷偶輕也別有外集一卷其中中原民
強十章威陳符識誇宋詒金又前後凱歌三
十首虛張虞允文水洲采石僥倖之功殊為
過實詞句亦多鄙俚不類麟之他詩考諸宋
志亦無此外集一卷之目殆其子諱而刪棄
後人又撤拾附存歟謹削之而附訂其謬如
右乾隆四十六年三月恭校上

欽定四庫全書

海陵集

總纂官 臣 紀昀 陸錫熊 孫士毅

總校官 臣 陸 費 墀

海陵集原序

本朝沿唐舊西掖掌外制北門掌內制謂之兩制而非
侍從近臣之通稱也太宗時四方砥平人才輩出專以
是處文學器識之士禮遇非他官比二府有關輒於此
取之惟參知政事蜀人蘇易簡尤被眷獎其自兩制入
中書猶未強仕淳化二年御飛白書玉堂等四字以賜
至今號為北門盛事炎祚中興時則有吾宗樞密公茂
振以雋明之才辯麗之文受知上皇八皆以蘇公遇太
宗為比年踰三十由館閣無掌書命其後真拜掖垣入
翰林三遷為學士每一制詞出學者爭相傳誦天子嘗
褒諭云卿久掌內外制中外士大夫咸稱得代言之體
紹興三十年復大書玉堂二字賜之其視淳化若合符
節公先世亦蜀人也後徙海陵登科者踵相繼所居號
叢桂坊世有顯人至公遂大用可謂盛矣公薨嗣子準
襲遺業得二十三卷而內外制殆居其半蓋久官於朝
故其他詩文因事而作者少然溫潤精切鼎鑪可知向

欽定四庫全書

海陵集

使天假公年主盟斯文則述作之富雖至于百卷可準
刻意家學數以序為請予與公同宗同朝不得而辭公
諱麟之茂振字也淳熙癸卯正月十日周必大序

欽定四庫全書

海陵集
原序

欽定四庫全書

海陵集卷一

宋 周麟之 撰

鹽泉賦并序

陽羨祖堂之左有泉正出蓋詩所謂膏沸檻泉
者也暇日往觀感而賦之

君山之陽大城之阜松楸城乎其中有泉出焉于蒼龍

欽定四庫全書

海陵集
卷一

之首隱若靈湫豁若智井吹波若魚日沸滴若湯鼎吁
此何水也若是其異乎山人告予曰維山之顛我魏
魏三峯環峙中窪如卮萬斛之水滂而為池蛟龍之所
蟠神物之所司水滔天兮不溢旱竭澤兮不虧下灌注
乎山隴之脉上潛通乎天潢之涓淼若陂浸之在望常
未雨而生雲霓泓泓兮淵淵行地中兮冥然值冲秀之
所萃乃奮迅而出焉稽之古詩是名檻泉其正出也萬
竅互發鹽淪洄漩迸澄沙之金碎激浮漚之珠圓吹噓

手管反之飛眩轉乎風蓬之旋其洩流也澗道委蛇如
玄雲之觸石過流不平而鳴銚鏘乎佩玉之音悠揚乎
宮徵之聲擁山川之秀潤朝鬱鬱之佳城若乃陰伏陽
亢害於有秋萬壑源斷千畦溢浮火雲晝燦燭龍夜游
山岳焦金石流則是泉也其澤涓涓其聲濺濺走餅鯁
於百里溉稻秫於平田其羨流餘浸猶足以已道渴而
灌蔬園也出山隈踰南阡斯前抵于大澗之濱而下會
乎東瀉之川則其澤物之功豈淺淺哉予乃撫然曰夫

欽定四庫全書

海內集

二

天下之水殊源異族注川曰谿注谿曰谷反出而泛則
為汎懸出而溜則為沃湯輪口而凌空則為汾陰之瀆
下萬仞而曳練則為挂廬之瀑弱水則鴻毛莫載湯泉
則不火而煥或止或行或見或泐各隨物以賦形紛莫
數乎衆目茲檻泉之膏沸不異見于編牘豈先德之涵
潤故於此發長源而兆吉卜也因相與植杖而坐挹泉
而飲之且歌曰泉之流乎流祖之德肆其後芳沐靈澤
泉之清乎為文英泉之涌乎騰仁聲世世乎承休與茲

水兮同流

詩

郊祀慶成

紫極三階正黃宮一氣旋迎陽周吉土練日漢甘泉考
典陳商輅占祥察舜璫朝冠紛璫齋醴湛蠟燭芳席
方顯若油雲已廓然瑤源尊始祖絳節從羣仙碧瓦霏
煙外雕梁麗日邊大音諧美樂芳薦列嘉饗默喜雲孫
燕深期鼎祚延六虬紆制蹕九廟闕崇筵鬱電香粣熟

欽定四庫全書

海內集

三

芝楹瑞葉連醇犧登頌組肅倡被朱紱孝奏靈威格誠
存禮不愆清晨登玉軼綵仗揭龍梅虎旅羅三衛蜿蜒
亘百屋展容趨泰時哀福對蒼園康坐張皇邸帷宮駕
采椽鼓鐘傳禁漏星月祭高躋躋畧車迴斗焚煌象象
天華支金權秀雅奏玉鳴銷虛次停垂佩登壇儼奉瑄
蘭生芬獻瑤電燎鬱升煙氣晏然蒸煨天澄境落霽涓
成均拜昨并慶趣厚肩鳳蓋端闕敞蠅書惠澤宣自欣
千載遇切貳六卿聯贊筆凋興上扶主繡黼前獨多親

日表敢後贊雲篇帝德惟天大臣心匪石堅願言陪虎拜寶歷萬斯年

太廟觀芝草

九廟寧神藹德馨煌煌又見產芝英香凝薦筆椒蘭潤色映雕梁日月明紹復祖宗全達孝感通天地契精誠試披瑞牒占休應看取皇家萬葉榮

晚開疏屏望崇光仰見威靈燭下方二本同極真盛事

三年疊秀是殊祥好圖瑞采增旗幟二十五年太廟芝草生光歲如祀臣

欽定四庫全書

海虞集

四

乞依乾德中太祖親郊作三瑞旗故事特製靈芝旗有旨從之更誦靈華續樂章頃歲臣察

苦熱行

君不見浣花老翁初作掾觸熱簿書塵滿案坐曹束帶總不能但欲赤腳踏層冰又不見青蓮居士金門客懶搖白羽巾挂壁有時裸袒青林中只知露頂洒松風二子英規凜千古筆奪造化驅風雨如何避暑如避仇叫呼競作驚人語是身本與天地同要當捫腹無弗容世

間冷煖翻覆手焉用夷隘患不恭我方窮居度炎熱火雲爍山金石裂一讀清詩百念空炯若冰壺浸明月

憂旱

老農病旱如膏肓汲井灌秧秧已黃湖田半作龜兆拆河梁斷道不可航救旱不必焚巫尪當去民害烹弘羊嗟哉銷變此不務龍川佛金徒祈禳中興天子食不遑側身感天天與祥需然坐待三尺雨擬賦雲漢歌宣王

讀戰國策

欽定四庫全書

海虞集

五

從人為從六國強橫人為橫六國亡悲夫不用損秦計徒以委肉強虎狼一朝秦甲下函谷指揮韓魏如羣羊坐令不費一隻天山東千里無金湯我窺塵編三太息諸侯自覆非秦力紛紛二百四十年說士遊說空滿籍我將西上弔興亡南山自有能言石

秋日坐窹覺而有作

南國逢秋色西風擾客心久聞安飲啄多病廢登臨壁倚青藜杖窗橫綠綺琴無魚甘耦食有酒任鴛鴦地僻

千山瘠人稀萬籟瘖懶同牛卧慵倦劇鳥歸林紙閣居
容膝繩牀坐整襟縮頭須爾伴便腹莫吾箴俛仰三眠
柳徘徊五戲禽忘形初隱几得趣漸欹簪不假仙遊枕
寧須女抱衾乍疑身栩栩已覺息深深白鳳才難繼黃
梁事可尋有人呼書漏何處起寒砧短夢遽然覺斜暉
慘欲陰桂間香吐粟菊認葉攢金磨熱雙旗茗爐殘小
辨沈沈感時思別墅開戶見遙岑自別堯庭寧俄驚墨突
黔背無三甲起頭有二毛侵咎往眉難炙言歸足尚吟
欽定四庫全書

海虞集

六

靜忘波洶洶老諸歲駁駁幸得安心法聊為擁鼻吟黑
甜誇勝味黃落寄餘音猿鶴休相怨萍蓬自不禁却愁
宵寐少卧聽竹蕭森

雙投酒

君不見白玉壺中瓊液白避暑一盃冰雪敵只今名冠
萬錢厨此法妙絕天下無又不見九重春色薔薇露君
王自酌觴金母味涵椒桂光耀泉御方弗許人間傳向
來我作金門客不假釀花并漬核日日公堂給上尊時

時帝所分餘瀝一朝釋珮投江村卻訪田家老瓦盆道
院丹泉仄脚重官爐玉友糟頭渾有酒如此寧不飲但
賦獨醒招楚魂錦雞昨夜秋風入梧葉雨殘溪水急呼
奴為我挽飛流滌滌薪炊玉粒奴言新釀良未宜此
間寒煥來無時雙投舊法酒經載今焉可試君無疑初
觀白醕寒漿溜再加麴米成重酎色如竹葉照人明香
似蘭英和露透妻孥一笑戲竿空所恨無多纔數斗嗟
予性與禮法疏況此掃軌甘窮居肯學鷄夷隨後車不
欽定四庫全書

海虞集

六

飛來峯

西域嶺前羣玉峯懸崖萬丈穿玲瓏世人不識真鬼工
夜半躍起隨雷風天與西湖作奇觀巖巖飛墮羣山中
海風吹雨萬壑暝往往密有雲相通遙望煙鬟出林鴉
重巒面而青蓮宇孤雲起石風生泉游人六月不知暑
世傳飛來我亦疑摩挲蒼壁心更悲當年禁固山水速
良峯一石須人挽無人把酒酌山靈飛入君王上林苑

賦張參政四老堂

散策相從倚玉鳩，不須更伴赤松遊。
林塘在眼供舒嘯，花鳥催詩好勸酬。
一座盤盈三百歲，公四兄弟年皆六十餘四翁宜壽八千秋。
堂前風物如伊洛，尚欠香山與石樓。
西望斜川烟靄低，荆溪東下泛清漪。
夜來風雨秋懷共，春草池塘畫夢遲。
江左便傳花萼集，曲中休奏紫芝詞。
安車不日聯鰥至，銀角桃枝上玉墀。

呈鄆人李簽判

欽定四庫全書

御批

八

錦江煙水春茫茫，錦城遊宴歌舞狂。
酒酣緩轡踏花去，尚說當年先侍郎。
吾家本鄆人，先侍郎仕蜀日，失卷後堂詩有踏花歸去馬蹄香之句。
來游官家因餽子，孫不復歸桑梓世。
居淮海二百年路，隔關山七千里。
兵戈南下風塵昏，衣冠渡江黃屋存。
淮鄉幾作邊戍地，叢桂舊第無一存。
海陵舊居名叢桂坊。我從避亂梅花鵲，釣月眠雲拉巢許。
爾來又下南郭居，自笑飄萍無定所。
見君襟韻真謫仙，從來遊戲壺中天。
眷言我祖舊同閑，邂逅笑語心豁然。
平生行李遍方外，南遊五嶺

入蒼翠，脫靴未屈力士手。
探囊已壓蟬奴背，為數千戈何日休。
浮家泛宅江海遊，丹砂鍊就葛洪鼎。
茶竈行隨魯望舟，天涯一見傾蓋舊。
青城猿鶴知存否，會當叱馭過邛郫。
相從却飲鄆筒酒。

呈伯父元仲二首

我伯氣吐虹貫日，干文光曾中有和。
璞發揮見文章筆，追義獻風句壓曹劉。
牆平生太古心，孰得窺行藏人間。
富貴味掩口，不一嘗方朔飢。
卻死次公醒而狂，方寸不

欽定四庫全書

御批

九

受折養此百鍊剛，江湖五十年飄飄。
曳征裳晚歲一區宅，欲並幽林塘浙東。
山水窟選勝方徜徉，蘭溪得佳致行築鍾山堂。
自顧世路險機穽，寧易防首吾不能高。
卧庸何傷貧賤苟自得，麪糗皆膏梁願言守此志。
鵬鷗聊相忘。

千戈十年餘，往苒百憂至。
誰憐齒未壯，遽失綠衣戲。
捫心天不閑，空下千斛淚。
藐然一星孤，未忍隨以逝。
雨濕新松楸，塵生舊盤院。
奈此愁絕何，況復形夢寐。
蕭蕭風

樹悲此恨豈有既念昔亂中從公識奇字一從江淮
別歲月不復記公尋武夷春我友頤山柱此來忽相見
再拜只流涕忽忽悅情話恍若已隔世先人有遺經風
夜焉敢墜餘生倘未殞肯負平日志但恨不及親臨風
一獻秋

寄伯父元舉

我家百笏門族望甲鄉國堂堂六世祖名在碧落籍人
曰吾故侯善政光古昔後裔聯簪纓北原陰榆柏里居

欽定四庫全書

海陵集

十

百餘年世出二千石當時業柱中鳴珂動城陌變故忽
相仍流蕩兵火厄一經焚劫餘故里半荆棘奔騰豺虎
羣逃避天地窄十年湖山游幸不死鋒鏑朝穿雲麓青
夜釣月溪白問闌度陽九閨室僅安適遽嬰風樹悲呼
天淚橫臆坡陀東龍岡悵望隔窻空先塋在陽
東龍山故鄉渺
歸期異縣悲久客北轅吾未能遽絕江海隔思我伯父
賢一別幾更歷寇至獨不去覲坐空四壁高標揖夷齊
九死出焚溺居為一鄉望後學所發式泮水修復初儒

盟首開席我獨隨風蓬張阻規益明年秋鴻飛槐花
動行色庶遂升堂拜情話輪囷幅詩成喜不寐興遂飛
天翼

答宋子開

冀北百馬一駃騠沉江之鼉九肋稀海邑千室士半之
異材傑出今其誰有客有客氣吐霓行年五十縫掖衣
青鞋白帽鬚未摧筆下妙絕黃絹碑句中參徹後山詩
邂逅一見秋雲披立談展盡胸中奇如刮眼膜如起痿

欽定四庫全書

海陵集

十

便許握手論文期看君有蘊木一施杜門却掃甘幽棲
草樹叢叢含奇姿兩堂對啟白板扉我時剝啄叩庾度
君出迎笑喜見眉晴窓坐隱花影移茗椀未盡爐香遲
手弄麈尾風颺颺主人得意客忘歸嗟予惜學安所師
矧復少也逢百罹尚賴先德流餘滋遺編爛爛星斗垂
墨猶未乾吾忍窺梅花一詠偶弗遺君能鑒賞了不疑
惜哉不與君同時生前未免俗子嗤身後有此名流知
嗚呼吾意其何悲

上王吏部

人物南州望風流一代英風傳天上譽早夢月中名車
載三千鵬鵬飛九萬程向來辭泮水端合上仙瀛接武
虞廷寔含香漢殿清漸看丹極近首冠列星明準擬陪
三接周旋位六卿鑑分金背重索並紫荷輕未見恩綸
出那知謗篋盈去朝雲路香歸侍綠衣榮地借微之竹
樓吹子晉笙赤心何所負白眼不須驚自顧銜恩厚親
逢較藝精妍嫻歸藻鑑高下見文衡夢絕懷蛟異詞非

欽定四庫全書

海虞集

上

吐鳳成賦能窺小小經漫說銚鏗誤玷春官籍終慙月
旦評搶掄幾類鵬出谷僅同鶯志慕青錢士名參玉筍
生別深秋鶴怨歸問海鷗盟未作河西尉聊為江上行
夜沈灘月釣晚壓龍雲耕歲暮人初返天寒雨未晴久
稽從杖履且復卧柴荆後見含深惡微吟寓至情佇聽
宣室召鳳閣繼家聲

見張運使郎中

風度顒顒白首郎清朝趨奏久含香東南德望龍津閣

甲乙科名鴈序長使節不辭驪駕遠卿家重見戟門光
顧公早入承明去一試囊中活國方

野鶴摩雲萬里心一枝聊復寄高林愁邊舉目江山異
客裏登樓歲月深長歎誓為知己用短檠空伴讀書吟
龍門不拒通家子應許來聽正始音

送王時亨舍人帥蜀詩二首

煌煌大筆照坤維忽見文星下紫微萬里江山渾改觀
九重紳笏更爭輝占松不假刀形夢換馬端期鵲飛

欽定四庫全書

海虞集

上

試問郭筒故鄉酒路人應唱踏花歸

一從鴈塔綴英游又見功名得志秋丹闕萬人窺榜眼
碧幢千騎擁遨頭錦城日暖憶鰓舞玉壘煙深鎧仗收
它日中和聞善政一琴寧復久淹留

和陳大監

君不見漢業已定猶勦兵白登坐困師無名席門先生
計無誤點虜不得窺平城論功自合班人傑蓋世拔山
威盡折漫誇勳業是韓彭我出六奇秦項滅後來漢道

如裴周德尊一代陳太丘二方相繼厲名節不顧羔鴈
真善謀雪霜實買年芳改凜凜松筠見風采豺狼當路
狐狸號獨有孤鴻橫四海至今逸韻傳清商雲和之瑟
絃高張耳孫磊落天下士大才有出管其長胸中萬卷
饒丘壑鮮取遺音叩寂寞一朝解組又彈冠出處無心
付天樂我輩等是風月人昔也同閑今為鄰不妨對話
味如蠟援援萬事從橫陳

再次韻為謝

欽定四庫全書

海內集

古

公詩律嚴如用兵江淮草木先知名少當千人掃文陣
晚策百勝攻愁城詩壇老將天下傑筆倒三江流萬折
時將妙句吐長虹李杜文章光不減由來事業師伊周
詎止博識窮九丘星列丹墀萬華望月昇金掌陳嘉謀
脫冠歸來雙鬢改任爾功名爭好采揮絃月下秦高山
擊楫波間哦小海方今祝網仁如商聖賢相逢治具張
鶴書旁午詔多士不以根闌遺寸長如公豈得栖林壑
高閑晚猿鳴索寞歲晚方諧魏闕心官閒不減商山樂

湖上春來花惱人我不憂負依富鄰朋友膠漆古來事
願言握臂追雷陳

趙見獨示所業并詩次韻謝之

沅江九肋稀端問學不學向來屠沽輩過眼褐寬博如
公負奇才尚隔雲津躍昔吾先隱君早識麟一角聯翩
錦囊句紆餘仍卓犖千載理王悲孤芳竟誰擢別來二
十年歷歷記前作賤子更百罹素業守彌恪餘輝忽根
耀如獲西山藥清夢到釣天求音叩寂寞中宵對蓮炬
何以稱光渥辱君瓊瑤篇重愧鼠呼璞大軸闕洪源洵
湧千澗落一洗胸中塵豁若春雲廓

以珠子香建茶寄皖公山馬先生

筠谷珠璣北苑春寸誠千里託靈芬為投白鹿岩前客
何日容分半席雲

送台道人

我祖來從錦江曲尚憶耶箇醉春涼輕衫拂石踏花歸
近傍青城結茅屋

余家本郡人先侍郎仕益蜀王為翰林學士有拂石坐來衫袖冷踏花歸

欽定四庫全書

海內集

古

去馬蹄香之句傳于子孫散作淮海居奕葉英風凜相

續不惟素柱競傳芳時有高人更超俗余家登科者二

所居為或隨羽化附青蛇伯父遇呂公十餘人海陵號

局伯祖得道室和問累詔不起封守我生本是林泉人

失脚塵中困羈束每逢蜀士話維桑便欲攜筇訪前躅

道人家世出巴西萬里江山見眉目笑施砭石起膏肓

坐察形神窮倚伏我席為門君荷旗相見忘情謝榮辱

幽香小鼎暮烟橫濁酒一盃春蟻綠此身多病經百罹

只合紉蘭與養菊休論燕領免封侯莫說鳶肩騰火速

我有風懷就問君何時一飽顏公粥今日君行跨奔鹿

欲下鵝洲穿柳谷他年願結白雲期與君同看金峰鶴

送僧大通還山一首

三年虎卧白雲關誰念窮猿失故山野客已拚花自落

道人全與鶴俱還顰眉皓首雙松老白纓青絲一室閒

何日得追塵外趣聽君擊鉢翠微間

戲呈珉禪師

我來何幸識支郎百丈峯頭寶月光質薄自憐非燕頤

逢窮誰信是龜腸漸看簪底千絲白敢說眉間一點黃

坐見錦溪秋水闊不知何日理歸艎

欽定四庫全書

海陵集

卷一

海陵集卷一

欽定四庫全書

海陵集卷二

宋 周麟之 撰

詩

終風行

北風駕寒萬竅號聲如八月江上濤又疑大鵬上青霄
南溟水擊搏扶搖昆陽陣敗虎豹嘯撼城飛瓦千兵逃
焚輪夜起狂終朝直憂卷屋掀重茅我居門巷如荒郊
欽定四庫全書

海陵集
卷二

衾無續扇裘無羔苦寒獵獵吹縕袍笑引藤樽漱濁醪
不妨高卧醉陶陶夢騎天馬騰長聽睥睨玉臺閣闕高
風聲詩興兩闌豪醉中一掃白雲謠

望秦川歌

明皇幸蜀一日登高山望秦川謂高力士曰吾
聽張九齡言不至此馬上吹笛為曲號謫仙怨
今亡焉因為八章以申其念舊之意

長安回首戰塵中馬背行吹一笛風寄恨翻成謫仙怨

始知深負曲江公

錦囊留得玉環香不見佳人空斷腸北望秦川烟草滿

尚疑飛燕舞昭陽

向來花萼弄春輝曾把寧王玉笛吹樂事已隨風燭過

如今橫笛不勝悲

蜀山春動錦江流水綠山青總是愁愁絕不堪山上望

無人解與月宮遊

雨聲鳴棧不堪聽盡日穿雲上香冥羯鼓催花潭不記

欽定四庫全書

海陵集
卷二

曲中空唱雨霖鈴

漁陽千幟掃空來滿目妖氛闕不開為問玉京何日復

傷心黃屋幾時回

煙霞縹緲認驪山遠想樓臺紫翠間尚欲神遊太真院

不知身過鬼門關

阿瞞按舞長生殿妃子流粧端正樓此去恰如巫峽夢

相望千里事悠悠

愁懷三首

雨沐秋容淨雲橫天宇高溪流走城塹木葉下亭皋興
引瀾明酒寒侵范叔袍清愁不能已高枕誦離騷
燕去簾帷靜蛩鳴機杼忙淒風萬籟息夜月一奩光自
喜襟懷豁寧為景物傷幽窗有佳致坐挹桂花香
江遠尊醺晚迳荒松菊寒近知秋信好更覺旅懷寬遠
杵風催急橫琴夜向闌飄零莫惆悵吾道久艱難

觀梅

春來物物未關情只與寒梅有舊盟芳信已催詩興動
幽香還釀客懷清月暮瘦影橫窗淡雨浴疎花照水明
却憶去年花下飲共持盃酒泛飛英

和元革叔無悶齋

家在濤江欲盡頭結茅寧為樂休休達人自得一經趣
游子空懷千歲憂坐對聖賢唯酒適身憑形影以詩酬
公今非遜元無悶要把韋編續聖丘

初除西掖士華兄以詩贊喜次韻為謝

向來歸卧白雲邊忽拜君王詔墨鮮誰借羽翰超弱水

又隨簪索過甘泉酒同今夕元
酬第詩比當年聖得賢
潤色正須燕許手小儒那有筆如椽

張公

西園堂榭落成種植畢工偶成口號十首呈參政
遷吏高眠石磴雲鷗夷長泛五湖春爭如畫錦延華萼
同作商山四老人 公以四老名堂

華堂迥出複城高更買鄰園徹古壕要展渭川千畝竹
勝裁錦里百根桃

欽定四庫全書

海內集

四

釣簾待燕春風裏把酒酬花夜月前更啟西窗納清景
煙光如畫擁斜川

城外青林可當山橫雲翠靄靜屏顏虛堂一枕林泉夢
如在煙霞縹緲間

林花倒影落清池池面春波泛綠漪更築小橋亭上去
便成家世授書地

小谿深樹鹿呦呦野鶴無聲惹蕙帳幽風月滿亭供笑語
依然不減醉翁游